

UPRAVNI ODBOR

Uspostavljen Zakonom o sistemu indirektnog oporezivanja
u Bosni i Hercegovini

Na osnovu člana 14. Zakona o sistemu indirektnog oporezivanja BiH ("Službeni glasnik BiH", br. 44/03 i 52/04), a u vezi s članom 12. i 13. Zakona o uplatama na jedinstveni račun i raspodjeli prihoda ("Službeni glasnik BiH", broj 55/04), Upravni odbor Uprave za indirektno oporezivanje, na 80. sjednici održanoj dana 26.06.2007. godine, donio je

ODLUKU

O RASPODJELI PRIHODA OD INDIREKTNIH POREZA S JEDINSTVENOG RAČUNA ZA JULI, AUGUST, SEPTEMBAR I OKTOBAR 2007. GODINE

Član 1.

Rezerve, budžet Bosne i Hercegovine i servisiranje stranog duga

Prihodi od indirektnog oporezivanja prikupljeni u Jedinstveni račun Uprave za indirektno oporezivanje u julu, augustu, septembru i oktobru 2007. godine raspodjeljuju se na sljedeći način:

- i) na račun rezervi: 10% od prikupljenih prihoda;
- ii) za budžet Bosne i Hercegovine, za finansiranje institucija Bosne i Hercegovine, u skladu s članom 12. stav 5. Zakona o uplatama na jedinstveni račun i raspodjeli prihoda;
- iii) za servisiranje stranog duga u iznosu dospjelih obaveza, odbijanjem od udjela Federacije BiH i Republike Srpske i direktnim uplatama u budžet Bosne i Hercegovine, u skladu s metodom raspodjele utvrđenim u čl. 2. ove Odluke.

Član 2.

Prijelazni koeficijenti raspodjele za juli, august, septembar i oktobar 2007. godine

Prijelazni koeficijenti raspodjele za juli, august, septembar i oktobar 2007. godine iznose:

Federacija BiH	64,58 %
Republika Srpska	31,87 %
Distrikt Brčko	3,55 %

Član 3.

Stupanje na snagu

Ova Odluka stupa na snagu danom donošenja i bit će objavljena u „Službenom glasniku BiH“.

Banja Luka, 26.06.2007. godine
Odluke UO 2606/72/2007

Predsjednik Upravnog odbora
Peter Nicholl